

石門縣志卷之二十四

苗獠志

長岳常澧四郡無苗獠而石則澧之巖邑也懸嶺複壁世有尚患漢用兵於壺頭明陳師於濠口職此之故

本朝德威四訖自桑保投誠各土司改受今銜武衛既奮文教復宣蓋天下之平久矣詩曰蠻方用邊則弓矢戎兵謹侯度者安可忽乎志苗獠

添平所覃氏考

古有竺氏裔於周穆王時分居覃地遂以為姓至唐

石門縣志

卷二十四

苗獠

三

天寶末御駕幸蜀有覃汝夏率領部下土軍千餘遠迎上嘉其忠旌以總管之職宋有覃士魁領兵守施州衛城又有覃緒祖為行軍總管自麻寮所徙居天平自元季兵亂依臺宜為塞明興有覃順內附受封武德將軍改添平千戶所調征容美安福獲其酋唐大孫夏得忠等朝廷旌賞舊隸常德府奏改九谿衛

附石門

舊志載覃氏先秦漢中人

本朝覃祚昌於順治四年投誠康熙十年頒給所印照歷

朝舊制管兵守邊雍正五年奉

旨將桑樞保靖司改土歸流又奉

自如土司擾害邊隅督撫等悉心籌畫可否改令歸流
共遵王化用是望風獻土改九谿永定衛爲縣各免
遷插仍予襲銜守汛添平所千百戶於十三年歸流
改予千把總世銜仍住本所隘

各姓名附錄
恩廕志後